

第二名

蕭宥



佢總係在該等

得獎感言

當歡喜透過這擺个得獎，同佢多優秀个筆者共下交流自家个文學作品，對佢來講，客話係認識同觀察生活肚美好个方式，這擺著獎毋單淨係對母語書寫个鼓勵同支持，還分佢對客語文學个世界有過較大个好奇。

當榮幸、乜當感謝做得在這擺閩客語文學獎裡背受著肯定，分佢做得有這佢難得个經驗，有機會透過母語寫作，講出自家對「等待、時間、歸去、轉來」个想像，通過對日常生活个描寫，結合抽象个生命觀點，分大家看著這作品。

這份作品，寫分該兜一直在等待麼个个人，還有該兜直直向前个事物。



佢總係在該等

擘目

佢總係在該等，
在朝晨流動个空氣裡肚，
等日頭鑽入窗門之間个必縫，
正做得清楚看著，
晟光个該片山脈 在光肚清醒，
像無聲个啟氣，提醒日仔還係一日過一日。

在聽著火車頭傳來个聲，
等玻璃映出人群緊行个身影，
正做得在交織个面容肚，
發現自家面頂个表情 在步行之間透光，
係生份个呆懣，又像熟事个悲傷。

昏哆

佢總係在該等，
在田脣細路無耕種人个當晝頭，
等旅行个人撇下翕相機該秒，
瞞目假做風景个一部分，
在禾浪肚沒水 洩在烈烈个日頭光，
沉入天頂奔等佢个被 喊自家遽遽睡忒去。

在火車路停動个旋律肚，
等火車入到山窿个該站時間，
正做得分轟隆隆个聲音，



像重鈺鈺个心跳 浸過佢个腦殼，
將緊打結个思想 交分窿肚个烏。

發夢

佢總係在該等，
在微風對巷仔邊寮个下晝頭，
等佢掀開掛等个衫褲，
浪浪散、定定飛 像寄出个信仔，
帶等話語嚟尋無愛去哪片，
佢正會疑狐 佬著該係麼人轉來个信息。

在月臺拖到長長个影仔肚，
等該腳步對人群盡頭向前佷兼，
想像該面容還係熟事，
像番綻个細人仔 挑事閃過吾目光，
下隻秒 就會偷偷囡囡喊吾名。

清醒

佢總係在該等，
在皮膚染做橘黃个臨暗，
等泡好个淡茶漸漸仔變涼，
看等邊脣藤椅个位仔 茶盤頂个茶痕，
就像溫度還留在身邊个樣，
正會發覺 回應个聲音永久聽毋著。

在火車頭个燈變到微弱，
等海水樣仔煞煞退下去个人潮，



正做得定定摻回憶收轉袋仔肚，
隨等火車个燈號同指示音 共下企起，
將言講出嘴个話擲向月臺。

流連

佢 總係在該等，
在紅色、白色个光變換个火車頭，
在暗夜肚斯忽然舂出个恁想，
等該聲音重新出現在耳公，
等該身影流連回轉在目珠，
追等看毋著个失落 追等無聲个旅程。

等佢个記憶 學會停留，
留分軌道 留分風聲 留分打眼个光。
等佢个心思 學會行往出，
幹過車頭 幹過窗門 幹過看毋清个面容。

緊 等 下 去，
等時間也為著佢兜停下腳步，
等這份等待 在哪隻朝晨頭開陽，
漸漸仔 勻開在恁个目珠窟，
直直對佢結束个終點行去……

